

## Met ewe chekin chcha ren semwenin TB?

Ewe chekin chcha ren TB, ika met sia kan eitangeni IGRA, ew anen omw kopwe sinei ika mi or non inisumw monun ewe semwenin TB.

Mi or ruu sokkun cheking chcha ren **QuantiFERON®-TB** me **T-SPOT®.TB**.

### Kopwe chekin chcha ren ewe semwenin TB ika:

- mi nap omw nomw winiorun ekewe mi or rer ewe semwenin TB,
- piin nonnomw won ew fonu mi chomwong ekewe mi urir ewe semwenin TB,
- piin angang ika nonnomw non ekewe imwen tumwunun mi semwen, nenien safei, pioing, imwen kanopwus, ika ekewe imweimwen aninisin ekewe eseor imwer, ika
- omw monun eppetin semwen ese pochokun.

Semirit mi kisi seni 2 ier repwe chekin semwenin ren ewe ekan chekin TB won unucher nge esapw chekin TB ren chcha.

### Ifa ussun ai upwe angei chekin chcha ren TB?

Awora kapas eis ngeni noumw tokter. Repwe angei ekis chaomw ra ngeni ekewe nenien chekin chcha. Noumw iwe tokter epwe apworousa ussun pwungun omw iwe chekin chcha mwirin fitu ran ika mi negative ika mi positive.

### Met epwe fis ika ai iwe pwungun chekin chcha ren ewe semwenin TB mi negative?

Ika pwungun omw chekin chcha ren semwenin TB negative wewen ese or reomw monun ewe semwenin TB.

### ? Met epwe fis ika ai iwe pwungun chekin chcha ren semwenin TB mi positive?

Ika pwungun omw chekin ewe semwenin TB mi positive wewen mi or reomw monumonun ewe semwenin TB. Napengeni ekewe mi positive ar chekin chcha ren TB a or rer ewe monumonun ewe semwenin TB. Ren omw

kopwe fateoch, noumw iwe tokter epwe chekiuk ika sasingi fan mwarumw ren ewe mwesinen x-ray. Mi menei kopwe pwan angei ekkoch sokkun chek omw kopwe sinei ika ewe chok monumonun TB e nomw reomw ika a ennetin toruk ewe semwenin TB.

### Met wewen ewe monumonun semwenin TB?

Mi or ruu sokkun kinikin ren ewe semwen TB. Me ruu ekewe kinikin mi tongeni chikar ren safei.

Nupwen monun ewe TB a tonong non inisumw, a tongeni awora an epwe or monumonun TB reomw. Ika kese safei, mi tongeni napeno monun ewe TB a winiti enetin semwenin TB.

Phase 1 – Monumonun TB	Phase 2 – Semwenin TB
Monungawen ewe semwenin TB mi kupachono non inisumw. Ei kinikin mi tongeni nomwottam – mi tongeni epwe fen fitu ier.	Monungawen ewe semwenin TB mi pochokun pwan mwokut fetan non inisumw. Ra angawano ekewe ekkoch kinikinin non inisumw.
Kese nikinikin ika mefi semwen. Mi ech pwungun omw sasingi fan mwarumw won ewe mwesinen x-ray.	Kopwe mefi semwen. Noumw iwe tokter epwe fori ekkoch sokkun chek an epwe kutta ika ian ekewe monungawen TB ra osukosuka tefen inisumw.
Kese tongeni achouwano ekewe monungawen TB ngeni ekkoch aramas.	Ika ekewe monungaw semwenin TB ra nomw non ammatomw, ka tongeni achouwano TB ngeni ekkoch ren omw kopwe mwor, mwesi, apworous, ika keen.
Eppetano ren omw kopwe angei ew ika ruu sokkun safei non ukukun unungat ngeni ruanu maram.	Eppetano ren omw kopwe angei unungat ika ruanu sokkun safei non ukukun onuu maram.

### Met epwe fis ika ua fen angei ewe opwpwosun eppet BCG?

Ewe opwpwosun eppet itan BCG (Opwposun TB) a tongeni anisi kukkun semirit an esapw watte rer epwe semwenin TB. Ei sokkun eppet mi tongeni mworono nupwen ka mamarino.

## MET EWE CHEKIN CHCHA REN SEMWENIN TB?

Ekewe ra fen angei epwe opwpwosun eppet BCG mi pwan tongeni torir sefan ewe monumonun TB ika semwenin TB.

Ika kopwe angei ewe opwpwosun eppet BCG nge kopwe fini ew me nein omw kopwe chek chcha ren TB ika chek unuchomw ren TB, mi eech kopwe fini ena chekin chcha ren TB. Wewen ei pwun ewe chekin chcha ren TB ese pwan tongeni osukosuka ewe opwpwosun eppetin BCG. Wewen ei pwun omw iwe chekin chcha ren TB epwe chok tongeni epwe positive ika pwe mi wor reomw ekewe monungawen TB non inisumw.

Tumwunu omw pochokkun me pochokunen omw iwe famine – Angei ewe chekin semwenin TB!

Minnesota Department of Health  
Tuberculosis (TB) Prevention and Control  
1-877-676-5414 or 651-201-5414  
[www.health.state.mn.us/tb](http://www.health.state.mn.us/tb)

02/24

*To obtain this information in a different format, call: 651-201-5414.*